



佛說腹中女聽經

北涼天竺三藏曇無讖譯

敢

佛在羅閱祇與諸菩薩比丘僧比丘尼優婆塞優婆夷及諸天人人民無央數共會聽佛說經時會中有迦羅婦懷妊在座腹中子叉手聽經佛欲使眾會見之便現大光明照迦羅婦座中眾人皆見腹中女叉手聽經如照鏡无有異佛持八種聲問腹中女言汝叉手聽經以何故尔女用佛威神即答佛言以世間人皆行十惡欲令行十善是故叉手聽經又以世間人貪婬瞋恚愚癡生死不絕是故叉手聽經復用世間人不孝順父母不供養沙門婆羅門道人是故叉手聽經時女說是語竟便生辭如太子從右脅生地為六及震動虛空中有无央數自然有音樂聲雨天眾華有自然千葉蓮華大如車輪以寶作莖狀如青琉璃女即坐蓮華上忉利天王釋持天衣從虛空中來下與女言裸形可取此衣著之女報言我不著此衣

腹中女聽經 第二世 敢字号

汝欲裝校我耶汝為羅漢我為菩薩汝非我輩不與我同類我自當有衣來佛語拘翼此不為裝校菩薩發心為菩薩自致得三十二相八十種好尔乃為裝校菩薩耳舍利弗白佛言此女為從何國來當送衣也佛言此女從東南方佛刹來其國名清淨去此十万佛刹女從本刹來欲見佛自當有持衣來者本國衣便自然在虛空中來肅肅有聲女見衣來便著之當得五通又女本國人盡得五通女得衣著訖便從蓮華上下行至佛前女一舉足地為六及震動便頭面著地為佛作礼三言南無佛繞佛已訖便長跪白佛今座中大有諸迦羅婦願佛為說經令得男子身佛言我亦不使汝作男子亦不使汝作女人皆自從身行得佛言有一事可疾得男子何等為一發心為菩薩道是為一事又女人身當內自觀辭如機關骨節相柱但筋皮上女人常畏人辭如鷄臬鮑蚌蝦蟇不敢晝日出常畏人辭如婢使常與惡露臭處俱雖是國

腹中女聽經 第三張 取字考

王女猶復畏人女人衆惡亦復如是  
 時座中迦羅婦七十五人聞佛說經  
 歡喜踊躍前以頭面著地為佛作禮  
 白佛言我願發菩薩心作男子我不  
 得男子身終不起時七十五迦羅越  
 從舍衛國來至佛所見諸婦皆在佛  
 前便心念言失我曹婦已便問舍利  
 弗此女人恚是我曹婦何為是問舍  
 利弗答言欲作比丘尼卿當聽不迦  
 羅越答言若欲作比丘尼者先使我  
 曹作比丘僧舍利弗白佛言是七十  
 五迦羅越皆欲作比丘佛呼善男子  
 來皆作比丘頭髮自然墮袈裟衣著  
 身手持應器皆前為佛作禮時七十  
 五婦各脫珠環皆以散佛上便自然  
 虛空中化作七十五交露珠瓔帳帳  
 中有七寶牀牀上有坐佛邊有无央  
 數菩薩聽經七十五婦人見是變化  
 皆大歡喜即用佛威神飛住虛空虛  
 空中自然有華雨散佛上從虛空中  
 來下便得男子身前白佛言我願作  
 比丘佛語弥勒菩薩將去授戒弥勒  
 菩薩即授戒作比丘僧女自然有化

腹中女聽經 第四張 取字考

華蓋七重其莖如蓮華莖即持與母  
 言佛是天上天下度人之師母以華  
 蓋上佛是天上天下之師蓋上之後  
 母亦當為天上之蓋女語母言今當  
 發菩薩心母答女言我始懷汝時於  
 夢中常見佛及法比丘僧无復貪婬  
 瞋恚愚癡心身體安隱知我腹中子  
 為是菩薩摩訶薩以是令我安隱尔  
 時發菩薩心以母得華蓋便持上佛  
 地為六及震動佛語舍利弗四天下  
 星宿尚可知數是女前後所度父母  
 不可知數女言一切人謂我是女當  
 作至誠行便化作如八歲沙弥身當  
 佛說經及女變化時無央數人皆發  
 无上正真道意佛說經竟皆大歡喜

佛說腹中女聽經

佛說腹中女聽經

校勘記

- 一 底本，金藏廣勝寺本。
- 一 五七頁中一行「佛說」，資、磧、普、南無。卷末經名同。
- 一 五七頁中二行首字「北」，資、磧、普、南無。
- 一 五七頁中二行「三藏」，資、磧、普、南、徑、清作「三藏法師」。
- 一 五七頁中二行末字「譯」，普、南、徑作「第三譯」。
- 一 五七頁中一〇行第九字「尔」，資、磧、普、南、徑、清作「耳」。
- 一 五七頁下一行「裝校」，資、普、徑作「莊校」；南、清作「莊校」，下同。
- 一 五七頁下三行「菩薩」，資、磧、普、南、徑、清作「菩薩身」。
- 一 五七頁下一〇行末字「之」，資、磧、普、南、徑、清作「衣」。
- 一 五七頁下二一行第三字「柱」，磧、普、南、清作「柱」。

一 五七頁下二二行第四字「虻」，**磧**作「吼」。

一 五八頁上一三行第一三字「衣」，**資**、**磧**、**普**、**南**、**徑**、**清**作「便」。

一 五八頁上二〇行第七字「雨」，**資**、**磧**、**普**、**南**、**徑**、**清**作「而」。

一 五八頁中四行第六字「上」，**資**、**磧**、**普**、**南**、**徑**、**清**、**麗**作「下」。

一 五八頁中末行經名下，**資**有夾註「犢子等四經」；**磧**有夾註「犢子等四經」。